

ՊԱՅՄԱՆԱԳԻՐ N ՄՇԴ - 170-2023

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ
ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ**

ք. Երևան

«28» «03» 2023 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար՝ Հ. Հակոբյանի, որը գործում է պետական մարմնի կանոնադրության հիման վրա, մի կողմից, և «Բուն» գիտամշակութային հիմնադրամը (այսուհետ՝ կազմակերպություն), ի դեմս կազմակերպության տնօրեն՝ Գ. Գասպարյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով ՀՀ կառավարության 2022 թվականի դեկտեմբերի 29-ի N 2111-Ն որոշման մեջ փոփոխություններ և լրացումներ կատարելու և ՀՀ կրթության, գիտության, մշակույթի և սպորտի նախարարությանը գումար հատկացնելու մասին» ՀՀ կառավարության 2023 թվականի փետրվարի 16-ի 214-Ն որոշումը (այսուհետ՝ որոշում)՝ որոշման «1168. Արվեստների ծրագրի» «11013. Հայ կինոյի հիմնադրման 100-ամյա հոբելյանական միջոցառումների իրականացում» միջոցառման (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել սույն պայմանագրով սահմանված վճարը, իսկ կազմակերպությունը պարտավորվում է սույն պայմանագրով սահմանված վճարի դիմաց սույն պայմանագրով սահմանված կարգով ու ժամկետում իրականացնել «Եվ լողում է նավը» հեռուստահաղորդում ծրագիրը (այսուհետ՝ միջոցառումներ)՝ համաձայն սույն պայմանագրի անբաժանելի մաս կազմող՝

1.1.1. ծրագրի՝ Հավելված N 1,

1.1.2. նախահաշվի՝ Հավելված N 2:

2. ԿՈՂՄԵՐԻ ԻՐԱՎՈՒՆՔՆԵՐԸ և ՊԱՐՏԱՎՈՐՈՒԹՅՈՒՆՆԵՐԸ

2.1. Պետական մարմինն իրավունք ունի՝

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2-րդ կետով նախատեսված տուգանքը, իսկ պայմանագրով նախատեսված

հաշվետվությունների ներկայացման համար սահմանված ժամկետները չպահպանելու դեպքում սույն պայմանագրի 6.3-րդ կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. առանց հիմնավոր պատճառի կազմակերպությունը ժամանակին չի սկսում միջաջառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրի պահանջները չկատարելու դեպքում դադարեցնելու ֆինանսավորումը՝ մինչև թերությունների վերացումը,

2.1.6. կազմակերպության կողմից սույն պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերակատարման դեպքում պահանջելու հետ վերադարձնել համապատասխան չափով հաշվարկված գումարը,

2.1.7. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. պետական մարմնից պահանջելու ընդունել սույն պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջելու վերացնել կազմակերպության գործողություններից (անգործությունից) անկախ՝ պետական մարմնի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

2.2.3. իրականացված միջոցառումների արդյունքը պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.4. վաղաժամկետ լուծելու սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում,

2.2.5. անհրաժեշտության դեպքում սույն պայմանագրի անբաժանելի մաս կազմող նախահաշվով նախատեսված ծախսային ուղղությունների միջև և (կամ) ծախսային ուղղությունների տողերի միջև իրականացնել համապատասխանաբար յուրաքանչյուր ծախսային ուղղության և ծախսային ուղղության տողերի գումարի 10 տոկոսի չափով շեղում՝ չխախտելով վճարումների համար սահմանված նորմերը:

2.3. Պետական մարմինը պարտավոր է՝

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների

շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. ընդունել սույն պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառումների մասին ներկայացված ֆինանսական և բովանդակային հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են կազմակերպությանը լրամշակման՝ սահմանելով խելամիտ ժամկետներ: Եթե ներկայացված հաշվետվությունների համաձայն իրականացված միջոցառումները համապատասխանում են ծրագրի և սույն պայմանագրի պահանջներին, ապա դրանք ընդունվում են,

2.3.5. իրականացնել սույն պայմանագրով նախատեսված այլ աշխատանքներ:

2.4. Կազմակերպությունը պարտավոր է՝

2.4.1. սույն պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով՝ համաձայն սույն պայմանագրի 1.1-ին կետի,

2.4.2. ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված միջոցառումները,

2.4.3. պետական մարմնի պահանջով նրան հաղորդել տեղեկատվություն միջոցառումների կատարման ընթացքի մասին,

2.4.4. սույն պայմանագրով սահմանված պարտավորություններն իրականացնել պետական մարմնի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան,

2.4.5. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ դրանք վերացնելու համար,

2.4.6. սույն պայմանագրի գործողության ընթացքում ապահովել միջոցառումների իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.7. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.8. սույն պայմանագրի 4.1-ին կետով սահմանված ժամկետներում պետական մարմնին ներկայացնել հաշվետվություններ (ֆինանսական և բովանդակային) կատարված ծախսերի և իրականացված միջոցառումների մասին: Ֆինանսական հաշվետվությունը ներկայացվում է սույն պայմանագրի Հավելված N 3-ով սահմանված ձևանմուշով՝ նկատի ունենալով, որ փաստացի

ծախսերը հիմնավորող հաշվապահական և այլ փաստաթղթերը գտնվում են կազմակերպության մոտ և վերջինս պատասխանատվություն է կրում ֆինանսական հաշվետվությամբ ներկայացված տվյալների իսկության համար, իսկ բովանդակայինը՝ ամբողջական տեղեկատվություն միջոցառումների իրականացման և ընթացքի մասին, այդ թվում արդյունքների գնահատումը, մասնակիցների քանակը, կցելով համապատասխան նյութեր (լուսանկարներ, ազդագրեր, հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով,

2.4.9. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.10. հրապարակել պետական մարմնի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին,

2.4.11. սույն պայմանագրից բխող միջոցառումները չկատարելու դեպքում վերադարձնել պետական մարմնի կողմից տրամադրված գումարը և վճարել տուգանք սույն պայմանագրի 3.1-ին կետում նախատեսված գումարի 5,0 (հինգ) տոկոսի չափով,

2.4.12. իրականացնել միջոցառումների շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.13. միջոցառումների իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով,

2.4.14. սույն պայմանագրով սահմանված միջոցառումների իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել ՀՀ պետական բյուջե՝ ոչ ուշ քան մինչև 2023 թվականի դեկտեմբերի 22-ը:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Սույն պայմանագրի 1.1-ին կետում նշված միջոցառումների իրականացման համար պետական մարմինը կազմակերպությանը հատկացնում է 15840.0 հազար (տասնհինգ միլիոն ութ հարյուր քառասուն հազար) դրամ՝ (ներառյալ հարկերը, տուրքերը և պարտադիր այլ վճարները)՝ համաձայն Հավելված N 2-ի:

3.2. Սույն պայմանագրի 3.1-ին կետում սահմանված գումարի 80 %-ը կազմակերպությանը հատկացվում է սույն պայմանագրի կնքումից հետո, իսկ 20 %-ը՝ սույն պայմանագրի 5.1-ին կետով նախատեսված հանձնման-ընդունման արձանագրությունը ստորագրելուց հետո՝ կազմակերպության հաշվեհամարին փոխանցելու միջոցով:

3.3. Համաձայն «ՀՀ 2023 թվականի պետական բյուջեի մասին» ՀՀ օրենքի 7-րդ հոդվածի 23-րդ կետի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2023 թվականի ընթացքում ենթակա են վերադարձման ՀՀ պետական բյուջե:

4. ՊԱՅՄԱՆԱԳՐԻ ԺԱՄԿԵՏԸ

4.1. Սույն պայմանագրով նախատեսված միջոցառումների կատարման ժամկետը մինչև 2023 թ. դեկտեմբերի 1-ն է, իսկ հաշվետվությունների ներկայացման ժամկետը՝ մինչև սույն պայմանագրով նախատեսված միջոցառումների կատարման ավարտին հաջորդող 30-րդ օրացուցային օրը, սակայն ոչ ուշ, քան 2023 թվականի դեկտեմբերի 10-ը:

4.2. Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների ամբողջ ծավալով կատարումը:

5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ

5.1. Սույն պայմանագրի 1.1-ին կետում նշված և ամբողջությամբ կատարված միջոցառումները կազմակերպության կողմից ներկայացվում են պետական մարմնի ընդունմանը ոչ ուշ, քան սույն պայմանագրով սահմանված ժամկետում: Պետական մարմնի կողմից դրանց ընդունման դեպքում այդ մասին կազմվում է հանձնման-ընդունման արձանագրություն (Հավելված N 4):

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Սույն պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմնին վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից:

6.3. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմնին վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար՝ սույն պայմանագրի չկատարված մասի գնի նկատմամբ:

6.4. Սույն պայմանագրի 6.2-րդ և 6.3-րդ կետերով նախատեսված տուգանքը և տույժը կարող է հաշվարկվել և հաշվանցվել միջոցառումների իրականացման արդյունքում կազմակերպությանը վճարման ենթակա գումարների հետ:

6.5. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.6. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6.7. Սույն պայմանագրով կազմակերպության կողմից ստանձնված պարտավորությունները չկատարելու կամ ոչ պատշաճ կատարելու հիմքով սույն պայմանագիրը միակողմանի լուծելու մասին ծանուցումը պետական մարմինը հրապարակում է իր պաշտոնական կայքում՝ նշելով հրապարակման ամսաթիվը: Կազմակերպությունը համարվում է սույն պայմանագիրը միակողմանի լուծելու մասին պատշաճ ծանուցված՝ ծանուցումը կայքում հրապարակվելուն հաջորդող օրվանից: Սույն պայմանագիրը միակողմանի լուծելու մասին ծանուցումը կայքում հրապարակվելու օրը ուղարկվում է նաև կազմակերպության էլեկտրոնային փոստին:

6.8. Սույն պայմանագրի կնքումից հետո 3-օրյա ժամկետում կազմակերպության անվանումը, գտնվելու վայրը, կազմակերպության կողմից դրամաշնորհի ստանալու համար ներկայացված ծրագիրը հրապարակվում են պետական մարմնի պաշտոնական ինտերնետային կայքէջում:

6.9. Կազմակերպությունը սույն պայմանագրով նախատեսված ժամկետներում պետական մարմնին ներկայացնում է միջոցառումների կատարման վերաբերյալ հաշվետվություն, որը պետական մարմնի կողմից ընդունվելուց հետո 3-օրյա ժամկետում հրապարակվում է պետական մարմնի պաշտոնական ինտերնետային կայքէջում՝ բացառությամբ անձի եկամուտներին վերաբերող դրամաշնորհային պայմանագրերի:

7. ՄՈՆԻԹՈՐԻՆԳԸ

7.1. Պետական մարմինը միջոցառումների իրականացման արդյունքների համապատասխանության գնահատման նպատակով իրականացնում է մոնիթորինգ:

7.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

7.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

7.4. Պետական մարմինը ցանկացած ժամանակ կարող է միջոցառումների շրջանակներում իրականացնել մոնիթորինգ՝ ուսումնասիրելով միջոցառումներին առնչվող ցանկացած փաստաթղթեր և նյութեր:

7.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

8. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից

յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. ԵԶՐԱՓՈՒԿ ԴՐՈՒՅԹՆԵՐ

9.1. Սույն պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.2. Սույն պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.3. Սույն պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐՆ ՈՒ ՍՏՈՐԱԳՐՈՒԹՅՈՒՆՆԵՐԸ

ՊԵՏԱԿԱՆ ՄԱՐՄԻՆ

ԿԱԶՄԱԿԵՐՊՈՒԹՅՈՒՆ

ՀՀ կրթության, գիտության, մշակույթի
և սպորտի նախարարություն
ք. Երևան, Վազգեն Սարգսյան 3
Կառավարական տուն 2

ՀՀ ՖՆ գործառնական վարչություն
Հ/Հ 900011042638 ՀՎՀՀ 02698732
Գլխավոր քարտուղար



«Բուն» գիտամշակութային հիմնադրամ
ք. Երևան, Մաշտոցի պող. 40ա շենք,
բն. 34

«Կոնվերս բանկ» ՓԲԸ
ՀՀ 1930049723220100 ՀՎՀՀ 02623069
Հեռ՝ 077110027
Տնօրեն՝

Գ. Գասպարյան
(ստորագրություն)
Կ.Տ.

Ծ Ր Ա Գ Ի Ր

«Եվ լողում է նավը» հեռուստահաղորդման

1	Կազմակերպության անվանում	«Բուն» գիտամշակութային հիմնադրամ
2	Կազմակերպության գտնվելու վայր	Բաշինջաղյան 133, 0039, Երևան, ՀՀ
3	Ծրագրի անվանում	«Եվ լողում է նավը» հեռուստահաղորդում
3.1	Բովանդակություն	<p>Հայաստանի Երրորդ Հանրապետության հոչակումից ի վեր կինոն ներկայացվել է իբրև մշակույթի և արվեստի ոլորտում պետական քաղաքականության գերակա ուղղություններից: Յուրաքանչյուր տարի պետական բյուջեից միջոցներ են հատկացվել ֆիլմերի ստեղծման աջակցության համար: Հետխորհրդային Հայաստանում կինոթատրոնների օտարումն ու դրանց թվի կտրուկ նվազումը հանգեցրեց ճգնաժամի, որն առկա է մինչ օրս: Մի կողմից նկարահանվում են նոր ֆիլմեր, կինոաշխարհ են մուտք գործում նոր անուններ, մյուս կողմից շարունակում են սակավ մնալ հարթակները, որոնցով կհանրայնացվեն նկարահանվող, թվայնացվող ֆիլմերն ու հանրության լայն շրջաններին հայտնի կդառնան նոր ժամանակների հայկական կինո ստեղծողները: Ցավոք, նախորդ երեք տասնամյակում նկարահանված ֆիլմերի ու դրանց հեղինակների մեծամասնությունն անհայտ են հանդիսատեսին ու կինոսերներին և այդ ֆիլմերը, որ տարբեր միջազգային փառատոներում են ներկայացվում, մրցանակների արժանանում չեն դառնում խոսակցության-վերլուծության նյութ անգամ մեր մասնագիտական շրջանակների համար: Հեռուստատեսությունն է դարձել կինոթատրոնի երկրորդ տեղը: Սակայն, նույնիսկ հայկական հեռուստաընկերությունների համար հայկական նոր կինոն եթերի ապահովման պարտադիր կամ ցանկալի բաղադրիչ չէ: Մեր օրերի հայկական կինոն և դրանց հեղինակներն անհայտ են և ունեն ուշադրության ու բացահայտման անհրաժեշտություն: Հայկական կինոյի հարյուրամյակը հրաշալի առիթ է մեր ժառանգությանը, կինոյի պատմությանը զուգահեռ անդրադառնալ և պատշաճ ներկայացնել հայկական ժամանակակից կինոն:</p> <p>ԲունTV հեռուստաընկերության եթերում Հայաստանի ազգային կինոկենտրոնի հետ համագործակցությամբ 2022 թ-</p>

		<p>ից եթեր է հեռարձակվում կինոքննադատ Րաֆֆի Մովսիսյանի հեղինակային «Եվ լողում է նավը» հաղորդաշարը, որի շրջանակում հրավիրյալ բանախոսների մասնակցությամբ քննարկվում և հանրությանն է ներկայացվում հայկական կինոյի պատմության այն ֆիլմերը, որոնք շատ հայտնի չեն կինոսերներին և վերաիմաստավորման կարիք ունեն:</p> <p>Հայկական կինոյի հարյուրամյակի առթիվ առաջարկում ենք «Եվ լողում է նավը» հաղորդաշարի մեկ եթերաշրջանը (2023 թվական, սեպտեմբեր-դեկտեմբեր, 16 թողարկում) նվիրել այս անգամ հայկական ժամանակակից կինոյին և հեղինակներին: Նկարահանումները նախատեսում ենք սկսել 2023թ. մարտից:</p> <p>Յուրաքանչյուր թողարկումն իրենից ներկայացնելու է որևէ ռեժիսորի դիմանկար, որի նպատակն է լինելու առավել լավ և համապարփակ ներկայացնել տվյալ հեղինակին՝ ստեղծագործական ուղին, նրա խոհերն ու մտորումները կինոյի և մեր իրականության մասին: Հաղորդման ձևաչափը գրույցն է: Հաղորդումները կընդգրկեն տաղավարային հարցազրույց և որոշ դեպքերում տաղավարից դուրս նկարահանումներ կամ արխիվային նյութերի օգտագործում: Յուրաքանչյուր հաղորդման տևողությունը լինելու է 35-ից 40 րոպե: Հաղորդմանը կհետևի ներկայացվող հեղինակի ֆիլմերից որևէ մեկի ցուցադրությունը:</p>
3.2	Նպատակ	<p>Հաղորդաշարի նպատակն է հստակ պարբերականությամբ և ինստիտուցիոնալ մոտեցմամբ ներկայացնել Հայաստանի Երրորդ Հանրապետության շրջանի կինոգործիչներին և նրանց ստեղծագործությունները: Ժամանակակից հեղինակներին արժեվորելով և հանրայնացնելով՝ ակնկալում ենք խրախուսել նրանց հետագա գործունեությունը և ստեղծագործականությունը:</p>
3.3	Անցկացման ժամկետ	01.04-01.12.2023թ.
3.4	Անցկացման վայր	<p>Ծրագրի հիմնական գործուղությունները տեղի են ունենալու Երևանում, որոշ արտատաղավարային նկարահանումներ կարող են իրականացվել նաև մարզերում՝ կախված կոնկրետ հաղորդման խնդիրներից:</p>
3.5	Ակնկալվող արդյունքներ	<p>Ծրագրի արդյունքում 16 ժամանակակից կինոգործիչներ կներկայացվեն լայն հանրությանը, ում ստեղծագործությունները կհանրահռչակվեն: Ծրագրի վերջնական շահառուն Հայաստանի հասարակությունն է, որը հեռուստատեսությամբ այլընտրանքային մշակութային</p>

		բովանդակություն սպառելու հնարավորություն կունենա՝ ծանոթանալով ժամանակակից հայ կինոյին:
3.6	Ոչ ֆինանսական ցուցանիշներ	<p>Ծրագրի քանակական ցուցանիշները՝</p> <ol style="list-style-type: none"> 1. 16 մասից բաղկացած մշակութային հաղորդաշար, յուրաքանչյուրը՝ 35-40 րոպե: 2. 16 ժամանակակից հայկական ֆիլմերի ցուցադրություն: 3. Հաղորդաշարի (զրույց և ֆիլմ) հեռարձակում ԲունTV հանրային հեռարձակողի միջոցով, որը հասանելի է Երևանում մուլտիպլեքսի, իսկ մարզերում՝ կաբելային վերահեռարձակող ընկերությունների միջոցով: 4. Հաղորդումների (զրույց) տարածում «:Բուն» հիմնադրամի սոցիալական հարթակներով (www.boon.am; Facebook; YouTube; Instagram), որոնց միջոցով յուրաքանչյուր հոդորդում հասանելի կլինի առնվազն 30,000 համացանցի օգտատիրոջ:

ՊԵՏԱԿԱՆ ՄԱՐՄԻՆ

ՀՀ կրթության, գիտության, մշակույթի և սպորտի նախարարություն
 Երևան, Վազգեն Սարգսյան 3
 Կառավարական տուն 2
 ՀՀ ՖՆ գործառնական վարչություն
 Հ/Հ 900011042638 ՀՎՀՀ 02698732
 Գլխավոր քարտուղար՝



ԿԱԶՄԱԿԵՐՊՈՒԹՅՈՒՆ

«Բուն» գիտամշակութային հիմնադրամ
 ք. Երևան, Մաշտոցի պող. 40ա
 2ենք, քն. 34
 «Կոնվերս բանկ» ՓԲԸ
 ՀՀ 1930049723220100 ՀՎՀՀ 02623069
 Հեռ՝ 077110027
 Տնօրեն՝

Գ. Գասպարյան
 (ստորագրություն)
 Կ.Տ.

Ն Ա Խ Ա Հ Ա Շ Ի Վ

«Եվ լողում է նավը» հեռուստահաղորդում ծրագրի ծախսերի

N	Ծախսատեսակների անվանումը	Չափման միավորը	Քանակը	Միավորի գինը (դրամ)	Գումարը, (հազար դրամ)
1.	Պրոդյուսերի վարձարություն (ներառյալ հարկերը)*	հաղորդում	16	50 000	800,0
2.	Կազմակերպչական ծառայություններ, այդ թվում՝				11 360,0
2.1	Հեղինակ-վարող, ռեժիսոր (16 հաղորդում)	հատ	1	4 800 000	4 800,0
2.2	Օպերատոր (16 հաղորդում)	հատ	1	900 000	900,0
2.3	Նկարահանումների տեխնիկական օժանդակություն (16 հաղորդում)	հատ	1	1 000 000	1 000,0
2.4	Հնչյունային ռեժիսորային հետ կապված աշխատանքներ (16 հաղորդում)	հատ	1	1 000 000	1 000,0
2.5	Մոնտաժ/գունաշտկում (16 հաղորդում)	հատ	1	900 000	900,0
2.6	Տեխնիկական խմբագրում (16 հաղորդում)	հատ	1	900 000	900,0
2.7	Սոցիալական մեդիա մարքեթինգ-SMM (16 հաղորդում)	հատ	1	600 000	600,0
2.8	Դրոնով նկարահանում (24 օր)	հատ	1	480 000	480,0
2.9	Հաղորդաշարի շապիկի դիզայն, անիմացիա և գրաֆիկա	հատ	1	780 000	780,0
2.	Դրոնի վարձակալություն	օր	24	30 000	720,0
3.	Երաժշտությունների հեղինակային իրավունքների ձեռքբերում	հեղին. իրավունք	16	20 000	320,0
	ԸՆԴԱՄԵՆԸ				13 200,0
	ԱԱՀ*				2 640,0
	ԸՆԴԱՄԵՆԸ, ներառյալ ԱԱՀ				15 840,0

* Ծախսերը պետք է իրականացվեն բացառապես ՀՀ աշխատանքային օրենսգրքով սահմանված կարգով

** ԱԱՀ-ի գծով լրացուցիչ հավկացումները որպես հարկային պարտավորություն ենթակա են վճարման Կազմակերպության կողմից որպես ԱԱՀ, հակառակ դեպքում ենթակա են վերադարձման ՀՀ պետական բյուջե

ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի
և սպորտի նախարարություն
ք. Երևան, Վազգեն Սարգսյան 3
Կառավարական տուն 2

ՀՀ ՖՆ գործառնական վարչություն

Հ/Հ 900011042638 ՀՎՀՀ 02698732

Գլխավոր քարտուղար

Հակոբյան

Կ.Տ.

**ԿԱԶՄԱԿԵՐՊՈՒԹՅՈՒՆ՝**

«Բուն» գիտամշակութային հիմնադրամ
ք. Երևան, Մաշտոցի պող. 40ա շենք,
քն. 34

«Կոնվերս բանկ» ՓԲԸ

ՀՀ 1930049723220100 ՀՎՀՀ 02623069

Հեռ.՝ 077110027

Տնօրեն՝

Գ. Գասպարյան

Կ.Տ.

ՖԻՆԱՆՍԱԿԱՆ ՀԱՇՎԵՏՎՈՒԹՅԱՆ ՓԱՍՏԱԹՂԹԵՐԻ ԱՄՓՈՓԱԹԵՐԹ

Կատարող կազմակերպությունը _____

Ծրագրի անվանումը _____

NN	Նախահաշվի հոդվածը	Գումարը՝ համաձայն նախահաշվի (դրամով)	Փաստացի գումարը (դրամով)	Շեղումը նախահաշվի համեմատ (+- դրամով)	Հոդվածի ծախս հավաստող փաստաթղթի անվանումը, համարը և ամսաթիվը
1					
2					
3					
	Ընդամենը				

« _____ » _____ 2023 թ.

Կատարող կազմակերպության ղեկավար

_____/_____/_____
(անուն-ազգանուն) (ստորագրություն)
պատասխանատու՝

ՓԱՍՏԱԹՂԹԵՐՆ ԸՆԴՈՒՆԵՑ՝

ՀՀ ԿԳՄՍ նախարարությու

Կատարող կազմակերպության
գլխավոր հաշվապահ
(անուն-ազգանուն) (ստորագրություն)

_____/_____/_____
(անուն-ազգանուն) (ստորագրություն)

Հավելված N 4

« 28 » « 03 » 2023 թ.

N ՄՇԴ-170 -2023 պայմանագրի

ԿԱԶՄԱԿԵՐՊՈՒԹՅՈՒՆ

ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և սպորտի նախարարություն
Երևան, Կառավարական տուն 2
ՀՎՀՀ՝ 02698732

Հասցե՝

**Ա Ր Զ Ա Ն Ա Գ Ր ՈՒԹՅՈՒՆ
ՀԱՆՁՄԱՆ - ԸՆԴՈՒՆՄԱՆ**

ք. Երևան

« » « » 2023 թ.

Պայմանագրի համարն ու կնքման ամսաթիվը N

Պետական մարմին՝ ի դեմս ՀՀ կրթության, գիտության, մշակույթի և սպորտի նախարարության գլխավոր քարտուղար _____

(անուն ազգանուն)

և Կազմակերպությունը, ի դեմս _____ -ի տնօրեն

կազմակերպության անվանում

_____, ի, հիմք ընդունելով պայմանագրի կատարման

վերաբերյալ

(անուն ազգանուն)

բովանդակային վարչության « » « » 2023 թ.-ի եզրակացությունը, ինչպես նաև նախարարության հաշվապահական հաշվառման վարչության « » « » 2023 թ.-ի թիվ Ե - ՄՇԴ- եզրակացությունը, կազմեցին սույն արձանագրությունը հետևյալի մասին.

Կազմակերպությունը պայմանագրի շրջանակներում իրականացրել է _____ միջոցառումը, իսկ Պետական մարմինն վճարել է դրա դիմաց՝ պայմանագրով սահմանված կարգով և չափով:

ՊԵՏԱԿԱՆ ՄԱՐՄԻՆ՝

ԿԱԶՄԱԿԵՐՊՈՒԹՅՈՒՆ՝

ՀՀ կրթության, գիտության, մշակույթի և սպորտի նախարարություն

Գլխավոր քարտուղար՝

Տնօրեն՝

Գլխավոր քարտուղարի տեղակալ՝